



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

27. Motu proprio &c. Erectio Computistariarum Locorum Montium.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

Perulin., & Tribunalis præfatorum, etiam juramento, confirmatione Apostolicâ, vel quâvis firmitate aliâ roboratis statutis, & consuetudinibus, privilegiis quoque. Indultis, & literis Apostolicis in contrarium præmissorum quomodolibet concessis, confirmatis, & innovatis, quibus omnibus, & singulis, illorum tenores præsentibus plenè, & sufficienter expressis, & ad verbum insertis habentes, illis aliâs in suo robore permanentis, ad præmissorum effectum; hac vice dumtaxat, specialiter, & expresse derogamus, cæterisque contrariis quibuscumque. Datum Romæ apud S. Petrum sub Annulo Piscatoris die 30. Januarii MDCCVI. Pontificatus Nostri Anno Sexto.

F. Oliverius.

XXVI.

INDULTUM

Pro Militibus Hospitalis S. Joannis Hierosolymitani annuam navigationem contra Infideles suscipientibus, ut eâ occasione in bellicis ipsorum navibus Missam celebrari facere possint tranquillo mari, cæloque sereno, & cum assistentiâ alterius Sacerdotis, seu Diaconi.

CLEMENS PAPA XI.

Ad futuram rei memoriam.

EXponi Nobis nuper fecerunt Dilecti Filii Franciscus de Marevil Frater Miles Hospitalis Sancti Joannis Hierosolymitani, alique Præfecti, seu Capitanei Navium bellicarum, ac Fratres Milites ejusdem Hospitalis, quod cum aliâs sæc. rec. Pius IV., & Sixtus V. Romani Pontifices Prædecessores nostri Fratribus Militibus dicti Hospitalis privilegium utendi in terrâ Altari portatili in navigationibus, quas ipsi singulis annis contra Infideles suscipere solent, concesserint, prædictum verò privilegium eis inutile reddatur, eo quia magnæ Naves, quibus dictos Infideles de præsentibus insequuntur, in alto mari navigant, ac rarissimè terram attingunt: ipsi Exponentes ad consulendum spirituali consolationi Navigantium, & ad tollendam omnem controversiam, quæ super alio Indulto hac in te per rec. mem. Innocentium Papam VIII. Prædecessorem pariter nostrum die 28. Aprilis 1485. (ut asseritur) concessio, oriri posset, facultatem celebrari faciendi Missam in Navibus hujusmodi, in quibus, cum magni ponderis, & firmæ structuræ existant, & quælibet ipsarum quinquaginta, & ultra tormenta aenea bellica sustineat, nullum in celebratione Missæ inconveniens enasci potest, sibi à Nobis concedi plurimum desiderant. Nobis propterea prædicti Exponentes, ac etiam Dilectus Filius Raymondus de Perellos, & Roccafull Magni Magister memorati Hospitalis, humiliter supplicari fecerunt, ut in præmissis opportunè providere, & ut infra, indulgere de benignitate Apostolicâ dignaremur. Nos igitur piis ejusdem Raymundi Magni Magistri votis hac in re, quantum cum Domino possumus, favorabiliter annuere volentes, dictosque Exponentes specialis favore gratiæ prosequi volentes, & eorum singulares Personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quâvis occasione, vel causâ latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S.

Bullar. Rom. Continuat. Pars II.

R. E. Cardinalium Concilii Tridentini Interpretum consilio, ejusdem Exponentibus, & pro tempore existentibus Fratribus Militibus Hospitalis prædicti petitam facultatem celebrari faciendi Missam in supradictis magnis Navibus occasione dictæ navigationis, dummodò Naves hujusmodi enunciatae qualitatibus sint, ac celebratio Missæ, co dumtaxat tempore, quo mare tranquillum, & cælum serenum reperitur, & cum assistentiâ alterius Sacerdotis, seu Diaconi fiat, itaut periculum effusionis sanguinis in dictâ celebratione minimè adsit, autoritate Apostolicâ tenore præsentium concedimus; Salvâ tamen semper in præmissis autoritate Congregationis eorundem Cardinalium. Non obstantibus Constitutionibus, & Ordinationibus Apostolicis, cæterisque contrariis quibuscumque. Datum Romæ apud S. Petrum sub Annulo Piscatoris die xxii. Martii MDCCVI. Pontificatus Nostri Anno Sexto.

F. Oliverius.

ERECTIO

Computistiarum Locorum Montium.

XXVII.

CLEMENS PAPA XI.

Motu proprio &c. Aliâs à felicis recordationis Paulo Papa V. Prædecessore Nostro emanavit Motus proprius tenoris, qui sequitur, videlicet: Paulus Papa V. Motu proprio &c. Cùm Romani Pontifices Prædecessores Nostri, & forsân Nos ex justis causis in Montium erectionibus, & institutionibus Officia Secretariatus videlicet, & Computistiarum pro uno Secretario, seu Computista idoneo, qui rationem administrationis bonorum, & fructuum Montium hujusmodi tenere, & de eis, quæ ad loca Montium, & eorum possessores ea in parte spectant, notari sumere, ac patentes literas super eorum concessionibus expedire, aliisque munia respectivè obire debeant, Apostolicâ autoritate erexerint, & instituerint, seu erexerimus, & instituerimus, officia verò hujusmodi, sicut accepimus, nonnulli tanquam per successionem Parentum, & Antenatorum suorum ad se spectantia, alii in vim asseratarum deputationum nulliter factarum, ac venditionum ab eorum occupatoribus similiter factarum, alii per modum provisionis, & tacitè, alii etiam nullo titulo occupata detineant, illique ad eorum libitum in aliorum, quam nostris manibus, ac etiam eoram solis Notario, & Testibus resignare, & vendere præsumperint, Sede Apostolica desuper inconsultâ, in præjudicium jurium dictæ Sedis, & Cameræ Apostolicæ. Nos igitur, ne de cætero officia hujusmodi Personis minus idoneis conferantur, providere, & cum plurimum intersit Cameræ prædictæ, ut ejus bonorum, & proventuum per Ministros idoneos, & peritos, quantum fieri potest, ratio habeatur, indemnitati Sedis, & Cameræ prædictarum consulere volentes, Motu proprio simili, & ex certâ nostrâ scientiâ, ac de Apostolicâ potestatis plenitudine præsentium tenore omnia, & singula Officia Secretariatum, & Computistiarum Montium tam vacabilem, quam non vacabilem de Urbe, sic ut præfertur, erecta, & instituta, quorum concessio, & assignatio, & quælibet alia dispositio ad Nos, & Sedem prædictam spectare, & pertinere dignoscitur, & de quibus per Nos, aut Romanos Pontifices Prædecessores nostros specialiter dispositum hactenus non fuit, à primæva eorum erectione, & institutione vacare, & vacavisse declaramus, & decernimus: Ea verò, quæ in erectionibus

Motus proprius Pauli V. quoad Secretarias, & Computistias Montium.

D 2

Mon-

Quas in Officia vacabilia, & resignabilia crexit.

Ac in Dataria perpetuo resignari, & expediri debere decrevit.

Cum clausula sublata & decreto irritanti.

Montium hujusmodi, seu alias erecta non fuerunt, ex nunc, prout ex tunc in Officia vacabilia, & resignabilia ad instar aliorum Romanæ Curie Officiorum Apostolica auctoritate tenore presentium erigimus perpetuo, & instituimus, eisque sic erectis, & institutis, omnes, & singulos honores, salaria, & emolumenta solita, & quæ hæcenus dactorum Officiorum detentores, licite tamen, perceperunt pro illa obtinentium sustentatione etiam perpetuo applicamus, & appropriamus. Decernentes nullum præter Nos, & Romanos Pontifices pro tempore existentes de Officiis prædictis disponere potuisse, sive posse, illaque tam primâ vice à primâ erectione, seu institutione hujusmodi, ut præfertur, vacantia, quàm etiam cum primum per cessum, vel decessum, aut resignationem, privationem, vel quamvis aliam amissionem illa obtinentium, seu alias quomodolibet vacare contigerit, per Nos, & Romanos Pontifices pro tempore existentes dumtaxat per viam supplicationis in Dataria nostra ad instar aliorum Officiorum vacabilium dictæ Curie concedi, & resignari debere, & si quis ex eorum Officiorum detentoribus, idoneitate sibi suffragante, illud, vel illa, quæ detinet, aut aliquid aliorum assequi intendat, supplicationem super illius, vel illorum concessione in dicta Dataria infra semestre proximum omnino expedire teneatur; alioquin ab eorum exercitio amotus, & illis perpetuo privatus censeatur eo ipso, & ab illo, vel illis penitus abtineat, præsentemque nostrum Motum proprium, & literas forsan desuper consiciendas ex quacumque causa, nullo unquam tempore de subreptionis, vel obreptionis, seu nullitatis vitio, aut intentionis nostræ, vel quopiam alio defectu notari, impugnari, retractari, vel annullari posse, sed valida, & efficacia existere, suosque effectus fortiri debere, neque sub quibusvis similibus, vel dissimilibus gratiarum revocationibus, suspensionibus, derogationibus, aut aliis contrariis dispositionibus per quascumque literas, vel Constitutiones Apostolicas, seu Cancellariæ Apostolicæ regulas, etiam per Nos, & Successores nostros Romanos Pontifices, etiam Motu proprio &c., etiam consistorialiter, ac cum datæ presentium expressâ mentione, ac sub quibuscumque tenoribus, & formis, nec non cum quibusvis clausulis pro tempore factis, & concessis comprehendere, sed semper ab illis exceptas, nec non quoties illas revocari, vel limitari, aut suspendi, seu eis derogari contigerit toties in pristinum statum etiam sub priori datâ restitutas, repositas, & plenariè reintegratas, & de novo concessas esse, & censerî. Sicque per quoscumque Judices &c. etiam S. R. E. Cardinales, etiam de latere Legatos, sublata, &c. judicari &c. debere, irritumque &c. non obstante regula nostrâ de non tollendo jure quæsito, quatenus opus sit, nec non Constitutionibus, & Ordinationibus Apostolicis, ac Collegiorum, & Officiorum hujusmodi, ac Montium erectionibus, & institutionibus, si in aliquo obstant, eorumque statutis, privilegiis, indultis, & literis Apostolicis sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, & insolitis clausulis, etiam motu proprio, aut consistorialiter concessis, quibus omnibus &c. eorum tenores &c. etiam si de illis &c. hac vice specialiter, & expressè derogamus, cæterisque contrariis quibuscumque scum clausulis opportunis. Fiat Motu proprio C. Et de erectione institutione, applicatione, singulis decretis derogatione, aliisque præmissis, ut supra latissimè extenden. Et quod præsentis Motus proprii sola signatura sufficiat, & ubique fidem faciat in judicio, & extra illud, regulâ contrariâ quacumque non obstante. Per præsentem autem non intendimus alicui Offi-

ciali, Collegio, seu cuicumque personæ, cui expressim facultas disponendi de dictis Officiis, vel eorum aliquo per Nos, vel Antecessores nostros forsan concessa fuit, in aliquo præjudicare, sed illis, & cuilibet eorum sua jura intacta, & illæsa remaneant. Fiat C. Datum Romæ apud S. Mariam Majorem pridie idus Julii anno decimo quarto. Et subinde piæ memoriæ Alexander VII. pariter Prædecessor noster Montes Restauratos primæ, secundæ, & tertie erectionis instituendo, Computistarias eorundem locorum Montium in Officia vendibilia, & per obitum eorum, qui illa obtulerint, vacatura exeat, voluitque per Datariam Apostolicam ad instar aliorum Officiorum Romanæ Curie conferri. Personis tamen per Theaurarium Generalem pro tempore existentem quoad peritiam approbandis, seu commendandis, prout in diversis literis itidem motu proprio expeditis, quarum tenores præsentibus pro expressis habemus, fusius continetur. Cum autem Urbanus VIII., Innocentius XI., & alii forsan Pontifices Prædecessores nostri diversas alias Montium erectiones fecerint, atque instituerint, in quibus de Officiis Computistariarum hujusmodi, aut diversimodè dispositum fuit, aut non ita clarè in Officia vacabilia erecta fuerunt; Hinc est, quod inter Dataria nostra Administratos, & Dilectum Filium Theaurarium Generalem nostrum exortum est dubium super modo, & formâ concedendi, & expediendi Computistarias prædictas; cui dubitationi, ne clerici negociorum expeditioni impeditio esset, pro posse, sicuti tenemur, providere volentes, illius cognitionem, discussionem, & resolutionem Venerabilis Fratris Prodatarii nostri, & nonnullorum Romanæ Curie Prælatorum particulari Congregationi prout de jure mandavimus, & à Congregatione prædicta, fundamentis utriusque in voce, & in scriptis deducis accuratè discussis, sub diebus 16. Martii 1705., & 10. Februarii 1706. declaratum, & resolutum fuit, providendum esse de omnibus Officiis Computistariarum per organum Datarie, Personis tamen approbandis per Theaurarios pro tempore, quam declarationem, & resolutionem subinde ad Nos relatum sub die 12. ejusdem mensis Februarii approbavimus, & executioni iustissimè demandari; Ne autem materia hæc plenè discussa, & resoluta imposterum revocetur in controversiam, omnes Montium institutiones per Prædecessores nostros factas, & illarum tenores, ac datas presentibus pro expressis habentes, ac Pauli, & Alexandri prædictorum, & forsan aliorum Pontificum Prædecessorum vestigiis inhaerentes motu pari omnes, & singulas locorum Montium tam erectorum, quàm fortasè imposterum erigendorum Computistarias in Officia vacabilia, vendibilia, & resignabilia, quatenus opus sit, de novo erigimus, & instituimus, & pro erectis, & institutis, tanquam in primâ dictionum Montium fundatione haberi volumus, & decernimus. Statuentes, quod Computistariarum Officia sic erecta perpetuis futuris temporibus per Nos, & Romanos Pontifices pro tempore existentes dumtaxat per viam supplicationis in Dataria nostrâ, & per organum ejusdem expedienda ad instar aliorum Officiorum dictæ Curie, Personis tamen approbandis per Theaurarios pro tempore, solutis tamen, ultra pretium pro compositione in concessione, seu resignatione singularum Computistariarum locorum Montium per prædictos Prædecessores nostros jam erectorum, & institutorum octo quoad Sancti Petri nunc a prima usque ad nonam erectionem inclusivè, ultra emolumenta Monti Datarie nostræ debita, ac aliis octo quoad prædictos Restauratos, & Novennales, ac Fidei, comprehensis ejusdem Montis Datarie emolumentis, ac quoad Communitatis,

Alexander VII. Computistarias Montium restauratorum in officia vacabilia, & venalia crexit.

Urbanus VII. & alii Pontifices de similibus Officiis diversimodè disposituerunt.

Orta questione de modo, & formâ expediendi similes Computistarias, Pontifex eam definiendam commisit particulari Congregationi.

Quæ censuit de ejusmodi Officiis providendum esse per organum Datarie Personis tamen approbandis per Theaurarium generalem.

Pontifex ejusmodi resolutionem confirmat.

ac Religionis vacabilis, comprehensis similiter emolumentis Montis Datarie hujusmodi; necnon quoad Sancti Pauli Religionis respectivè Montes ducatis duobus auri de Camera, computatis emolumentis prædicti Montis Datarie, seu aliis soluta compositione arbitrio dicti Prodatarii nostri, & illius pro tempore Successorum, juxta qualitatem locorum in singulo Monte existentium concedi, & resignari debeant. Mandantes propterea, ut si quis Computatariarum Officium, seu Officia sine titulo per organum Datarie expedito quocumque modo nunc detineat, supplicationem super illius, seu illorum concessione in Dataria nostra infra tres menses proximos, prævia prædicti Thesaurarii approbatione, omninò expedire teneatur, alioquin ab exercitio amotus, & Officia Computatariarum hujusmodi vacatæ eo ipso censeantur. Decetentes præsentem nostrum Motum proprium, ac literas forsan desuper conficiendas, & in eis contenta ex quacumque causâ nullo unquam tempore de subreptionis, vel obreptionis, seu nullitatis vitio, aut intentionis nostræ, vel quovis alio defectu notari, impugnari, retractari, vel annullari posse, sed semper valida, & efficacia fore, & esse, suosque plenarios, & integros effectus sortiri, & obtinere, neque sub quibuscumque similibus, vel dissimilibus gratiarum revocationibus, suspensionibus, derogationibus, & aliis contrariis dispositionibus per quascumque literas, vel Constitutiones Apostolicas, seu Cancellariæ Apostolicæ regulas, etiam per Nos, & Successores nostros, etiam motu proprio, etiam consistorialiter. ac cum datæ præsentium expressâ mentione, & sub quibuscumque tenoribus, & formis; necnon cum quibusvis clausulis, & decretis pro tempore factis, & concessis, seu concedendis comprehendendi, sed semper ab illis excepta, necnon quoties illa revocari, seu limitari, vel suspendi, seu eis derogari contigerit, toties in pristinum. & eum, in quo antea erant, statum & sub priori datâ restituta, reposita, & plenariè reintegrata, ac de novo concessa esse, & censeri, sique, & non aliâs per quoscumque Judices &c. etiam S. R. E. Cardinales, etiam de latere Legatos, sublata &c., judicari &c. debere; irritumque &c. decernere, non obstantibus per prædictos Prædecessores nostros in erectionibus supradictorum Montium alièr, seu in contrarium dispositis, ac regulâ nostrâ de jure quæsitò non tollendo. quatenus opus sit, ac Constitutionibus, & Ordinationibus Apostolicis sub quibuscumque tenoribus, & formis, ac cum quibusvis derogatoriis derogatoriis. aliisque efficacioribus, & insolitis clausulis, etiam motu proprio, aut consistorialiter concessis &c., quibus omnibus &c., eorum tenores &c., etiam si de illis &c., hac vice specialiter, & expressè motu pari derogamus, ceterisque contrariis quibuscumque cum clausulis opportunitis.

Fiat Motu proprio J. F.

Et quod erectionum Montium hujusmodi tenotes etiam veriores habeantur pro expressis, seu in toto, vel parte exprimi possint in literis; & de perpetuis erectione, institutione, cognitione, discussione, resolutione, approbatione, executione, voluntate, decreto, statuto, mandato, derogatione, aliisque præmissis, quæ hic pro sufficienter, & ad partem repetitis habeantur, ac aliâs, prout supra, in literis latissimè extensâ; Et cum decreto, quod sola præsentis nostri Motus proprii signatura sufficiat, & ubique fidem faciat in Judicio, & extra, regulâ quacumque contrariâ non obstante, seu, si videbitur, literas desuper, etiam per viam de Curia, quandoque expediri. Et cum alio decreto, quod

moderni Computista, qui deinde post acquiritum officium habuerunt alios Montes additos, non teneantur ad augmentum pretii pro additionibus hucusque factis; Illi verò, qui nullo modo pretium persolverunt, illud omninò solvere teneantur Datarie Apostolicæ ad rationem bononorum, seu bajoccorum duorum cum dimidio pro quolibet loco. Datum Romæ apud S. Petrum sexto Idus Aprilis Anno VI.

Fiat J. F.

J. Pro-Datarius.

Die, mense, & Anno, quibus supra, supradictus Motus proprius affixus, & publicatus fuit in Acie Campi Floræ, ac Curia Innocentiana Montis Civitatis, & in aliis locis solitis, & consuetis Urbis per me Nicolaum Vajellum SS. D. N. Papæ Curf.

Joseph Batialis Magister Curforum:

JUBILEUM UNIVERSALE.

XXVIII.

Ad implorandam divinam opem pro pace inter Principes Christianos, & aliis præsentibus Catholicæ Ecclesiæ necessitatibus.

CLEMENS PAPA XI.

Universis Christianis presentes literas inspectionis salutem, & Apostolicam benedictionem.

EX eminenti Principis Apostolorum Sede, in quâ per ineffabilem Divinæ suæ bonitatis abundantiam, meritis licet imparibus, collocare Nos voluit Altissimus, terrarum Orbem universum, nostras videlicet curas, sollicitè circumspicientibus Nobis, miserior in dies, semperque luctuosior se offert Christianæ Reipublicæ facies. Cum gravissimo siquidem, ac verè lachrymabili totius penè Europæ incendio Christiani Principes inter se decertantes (quæ olim extrema minatus est Deus inimicis nostris, atque iis, qui insurgunt adversus Nos) diuturno nimium, & sanè acerbissimo bello se invicem depascunt, ac proprio sanguine, quasi musto, inebriantur. Ubique mors, ubique luctus, ubique desolatio, undique percutimur, undique amaritudinibus replemur. Visitavit profectò Nos Dominus in gladio suo duro, & grandis, & forti, sicut impetus aquarum multatum inundantium, & emissarum super terram spatiosam. Ascendit fumus in irâ ejus, & ignis à facie ejus exarsit. Commota est, & contremuit terra, fundamenta montium conturbata sunt, & commota sunt, quoniam iratus est eis. Sed nunquid in æternum projiciet Deus? aut non apponet, ut complacitior sit adhuc? Absit. Non enim obliviscitur misereri Dominus, nec continet in irâ misericordias suas; sed qui multus est ad ignoscendum, ac propitiatur invocantibus eum in veritate, effundet in Nos divitius misericordiam suam, si iniquitates nostras, quibus eum offendimus nimis humili confessione agnoscamus, dignosque penitentia fructus faciamus. Adæmus itaque cum fiducia ad thronum gratiæ, ac ne exprobrari Nobis audiamus propheticum illud: quæsi de eis virum, qui interponeret sepem, & staret oppositus contra me pro terrâ, ne dissiparem eam, & non inveni; & effudi super eos indignationem meam, obsecrationibus, jejuniiis, elemosynis, aliisque piis operibus Divinam iram, acceptabili hoc Dominici Adventus tempore, placare studeamus, Regique pacifico, qui proximè venturus est, ut pacem annuntiet hominibus bonæ voluntatis, in

Exordium à continuatis Christianæ Reipublicæ calamitatibus ob acerbum inter Christianos Principes bellum.

Fideles hortatur, ut divinam indignationem placare contendat, & in divinam misericordiam fiduciam collocent.

Eique inhærendo mandat, omnes Montium Computatarias expediri per Datariam Personis à Thesaurario approbandis, soluta certa pecuniarum quantitate.

Clausula sublatâ cum decreto irritanti.